

ԳՈՒՐԳԵՆ ՍԵՎԱԿ

1981 թ. սեպտեմբերի 14-ին իր մահկանացուն կնքեց ՀՍՍՀ ԳԱ ակադեմիկոս, Հայկական և Վրացական ՍՍՀ գիտության վաստակավոր գործիչ, բանասիրական գիտությունների դոկտոր, պրոֆեսոր Գուրգեն Սևակը: Դա ծանր կորուստ էր հայագիտության համար: Գուրգեն Սևակը կարկառուն դեմք էր ժամանակակից հայ լեզվաբանության մեջ. նա իր ամբողջ գիտակցական կյանքը, գործունեությունը նվիրաբերեց մեր լեզվի ուսումնասիրման, ուսուցման, մշակման, անադարտության պահպանման վեհ գործին: Երբեմնի բանվորի դավակը, օժտված լինելով մեծ ընդունակություններով, անձնուրաց ու նպատակասլաց աշխատանքով հասել էր գիտության քարձույններին և իր գործով ու անձնական օրինակով հեղափոխական հեղինակություն էր վայելում:

Գուրգեն Գրիգորի Սևակը ծնվել է 1904 թ. ապրիլի 15-ին Թբիլիսիում: 1924 թ. ավարտելով տեղի ներսիսյան դպրոցը՝ տեղափոխվել է Երևան և ընդունվել պետական համալսարանի պատմագրական ֆակուլտետը, որի լրիվ դասընթացն ավարտել է 1928 թ.: 1929—1932 թթ. սովորել է համալսարանի ասպիրանտուրայում: Նա բախտ է ունեցել լսելու գիտության այնպիսի մեծ երախտավորների դասախոսությունները, որպիսիք էին Հ. Աճառյանը, Մ. Աբեղյանը, Ա. Տերտերյանը, Հ. Մանանդյանը, Գ. Ղափանցյանը և ուրիշներ: Անցնելով հայագիտական դասական դպրոցի բովանդակ՝ պատրաստվել է գիտական-մանկավարժական ու հասարակական լայն գործունեության:

Նրա աշխատանքային գործունեությունն սկսվել է դեռ ասպիրանտուրայի ուսումնառության շրջանից: 1931 թ. դասախոսել է Երևանի համալսարանում՝ վարելով ժամանակակից հայոց լեզվի տեսության, ոճաբանության, աշխարհաբար գրական լեզվի պատմության, այլև վրացերենի դասընթացներ: 1941—1971 թթ. ղեկավարել է հայոց լեզվի ամբիոնը: Նրա աշխատանքը համալսարանում տևել է մինչև 1979 թ.: Նա միաժամանակ տարբեր տարիներում դա-

սախոսել է Երևանի Խ. Աբովյանի անվան, Լենինականի Մ. Նալբանդյանի անվան, Թբիլիսիի, Բաքվի մանկավարժական ինստիտուտներում:



րում: Նրան լսել են հազարավոր ուսանողներ, հմայվել նրա հստակ, խիստ տրամաբանված ու կուռ խոսքով, բարձր որակավորում ստացել՝ գործելու մանկավարժական, գիտական, ինչպես և հասարակական ասպարեզներում: Նա ղեկավարել է մի քանի տասնյակ ասպիրանտների, նրա աշակերտների մեջ կան գիտությունների դոկտորներ, թեկնածուներ, վաստակավոր ուսուցիչներ, գրողներ և այլն:

Գուրգեն Սևակի աշխատանքային գործունեությունը սերտորեն կապված է եղել նաև Հայաստանի գիտությունների ակադեմիայի հետ: Հ. Աճառյանի անվան լեզվի ինստիտուտում նրա հիմնադրման ժամանակից մինչև 1951 թ. պաշտոնավարել է իբրև ավագ գիտական աշխատող, ապա՝ նաև ժամանակակից հայոց լեզվի բաժնի վարիչ: Վերջին տարիներս ղեկավարում

էր նույն ինստիտուտի խոսքի մշակույթի և տեր-մինաբանութեան բաժինը: 1969 թ. ակադեմիայի նախագահութեանն առընթեր գիտատեխնիկական տերմինաբանութեան խորհրդի նախագահն էր:

Լայն են եղել տաղանդավոր գիտնականի գիտական հետաքրքրութիւնները՝ սահմանները: Առանձնապես նշանակալից է նրա ներդրումը մեզանում լեզվաբանական տեսական հարցերի մշակման և ժամանակակից հայերենի կառուցվածքի ու պատմութեան հետազոտման բնագավառում: Այդ տեսակետից գիտական անուրանալի Խորհրդով աչքի են ընկնում նրա «խոսքի մասերի ուսումնքը» (1930 թ.), «Ժամանակակից հայոց լեզվի տեսություն» (1939 թ.), «Ժամանակակից հայոց լեզվի համառոտ պատմություն» (1948 թ.) աշխատութիւնները: Ժամանակի լեզվաբանական գիտութեան ամենաբարձր մակարդակով նա ստեղծեց խոսքի մասերի նորագույն ուսումնք՝ լեզվի ու խոսքի հստակ տարբերակման հիման վրա, որն իր խոր ազդեցութեամբ թողեց հետագա տարիների հայ քերականագիտական ուսումնասիրութիւններին վրա: Դա տեսական հաստատուն ուղենշեց լեզվի բաղադրութիւնը բրիտանացի գիտական աշխատողների համար: Հայ լեզվաբանութեան մեջ այդ խոշոր գիտնականի անվան հետ մեծ շահով կապվում է և լեզվական առանձին կառուցվածքային միավորների, ինչպես օրինակ, հնչույթի և ձևույթի գիտական բնութագրումը: Ժամանակակից հայոց լեզվի տեսության ասպարեզում բնադառարար օգտուկն է մեծ հայագետ Մ. Աբեղյանի գիտական վիթխարի վաստակից՝ Գուրգեն Սևակը հանդես եկավ տեսական նոր ընդհանրացումներով: Իր «Ժամանակակից հայոց լեզվի տեսություն» գիրքը նա հետագա աւարիներին կատարած ուսումնասիրութիւններով լրացրեց ու 1955 թ. վերահրատարակեց: Այս գիրքը մինչև օրս հաջողութեամբ ծառայում է որպէս ձեռնարկ մեր բարձրագույն դպրոցների ուսանողութեան համար: Այստեղ սեղմ, բայց խիստ հետևողական ու կուտ շարադրանքով ներկայացվում են ժամանակակից գրական հայերենի հնչյունային կազմի, բառապաշարի, բառակազմութեան ու ձևաբանութեան բնորոշ իրողութիւնների գիտական բնութագրումները: Հատկանշական է, որ լեզվական յուրաքանչյուր երևույթ շոշափվում է ոչ թե սոսկ նկարագրումով, այլ լեզվաբանական գիտութեան ժամանակի տեսական նվաճումների լույսի տակ:

«Ժամանակակից հայոց լեզվի համառոտ պատմությունը» դրական աշխարհաբարի գիտական պատմութեան ստեղծման կարևոր փորձ

էր, որտեղ Գուրգեն Սևակը շրջանաբաժանում կատարեց և տվեց պատմական առանձին դերավազներին նկարագիրը:

Սևակին լայն ճանաչում ու մեծ համբավ բերեց իր հեղինակած «Հայոց լեզվի շարահյուսություն» դասագիրքը, որը, առաջին անգամ լույս տեսնելով 1936 թ. և բազմիցս վերահրատարակվելով, հսկայական դեր կատարեց դրայորոցում հայոց լեզվի ուսուցման մեջ: Այն ունի օրինակելի համակարգվածութիւն և նյութի ներկայացման գովելի եղանակներ:

Գուրգեն Սևակը գործուն հետաքրքրութեամբ ու ակտիվ միջամտութեամբ էր հետևում մեր ժամանակակից գրական լեզվի կիրառման կենդանի ընթացքին: Բազմաթիվ հոդվածներով անդրադարձել է նրա մշակման, հարստացման, ոճի կատարելագործման հարցերին:

Լեզվաշինարար գիտնականը թե՛ գրավոր խոսքով և թե՛ բանավոր շատ ելույթներով առաջ է քաշել մեր լեզվի նորմավորման ու տերմինաշինութեան էական հարցերը: Նա իր գործունեության սկզբից մինչև կյանքի վերջը հանրապետության տերմինաբանական կոմիտեի անդամ էր (1932—1940 թթ.)՝ նաև նրա գիտնական քարտուղարը) և իր արժեքավոր առաջարկներով շատ օգտակար դեր խաղաց կոմիտեի աշխատանքներում:

Գուրգեն Սևակը աշխարհի նշանավոր էսպերանտիստներից մեկն էր: Գեո 1930 թ. նա հրատարակել է էսպերանտո լեզվի համառոտ ձեռնարկ: Հայերենից թարգմանութիւններ է կատարել այդ լեզվով և այդ ճանապարհով աշխարհին ճանաչել տվել մեր գրականութեան դասական նմուշներից: Զբաղվել է այդ լեզվի ուսուցմամբ ու տարածմամբ: Մասնակցել է էսպերանտիստների միջազգային գիտաժողովներին ու համաժողովներին: Նա էսպերանտիստների միջազգային ակադեմիայի անդամ էր:

Գուրգեն Սևակը նաև թարգմանիչ էր: Հիշատակութեան արժանի է Պուշկինի «Եվգենի Օնեգին» շափածո վեպի նրա հայերեն թարգմանութիւնը: Նա զբաղվել է հայ մշակութիւնի պատմութեան հարցերով: Կարևոր են նրա աշխատութիւնները Մեսրոպ Մաշտոցի և հայ գրերի գյուտի վերաբերյալ:

Գուրգեն Սևակը սկզբունքային, համոզմունքներով անզիջում գիտնական էր: Որպես քաղաքացի բարձր էր, հայրենասեր, ազնիվ ու անաշու: Ահա թե ինչու նրա հիշատակը երկար ու վառ կմնա մեր հասարակայնութեան մեջ:

Պրոֆ. Ա. Ա. ԱՐԱՆՍՅԱՆ